

林西縣志





# 卷四

## 物產志

酷寒之地物類簡單產額亦覺薄弱林西居熱省北鄙再北百數十里即不能種禾植蔬矣自民國開闢至今二十年民戶較他縣相差十餘倍而所有之農產物相差更不止倍蓰矣然墾荒育民不能無土產僅將此地之能植易熟者概舉數事用以表地利之腴瘠產量之豐嗇焉作物產志

### 穀類

穀 有紅苗與青苗兩種紅苗者易熟而產量寡名有棒子熟癩麻黃等俗稱六十日還倉此地爲宜清明後播種白露前收割每畝豐年可產四斗有奇(斗)亦峯縣之半斗爲此處一斗青苗者有小青苗有刀把齊有菠菜根等四五種產量較紅苗穀殼厚而成熟較遲清明後播種白露前收割豐年每畝可穫五斗有奇每斗重量廿四五觔高粱 惟有紅色者一種名打穀錘清明前種白露後收割高五尺餘七節而七葉此地不甚宜東與區南區近年



來間有種者性酸澀人不能食賤年亦有食者喂畜惟馬食之若與蕎麥相雜乃佳積可葺屋又可作燃料產量每畝可穫三斗上下

蕎麥 性有甜蕎麥無苦蕎五月播種白露前即熟實三角形葉圓有尖如鴨掌宜於此地農人食麪爲大宗之一豐年每播可穫四五斗近年來苦旱不易生長最畏風

菽麥 爲此地正產物早春播種立秋即收割晚則不能成熟喜下溼惡乾燥近年苦旱此類種少穫此地人食品之最要者俗云要食菽麥麪須至黑石灘喂馬與黑豆相合最佳產量每畝可穫五六斗

小麥 暮春播種初秋即熟有紅芒白芒兩種喜雨水均勻之年最畏早燥豐年每畝可穫三四斗早年籽粒不歸倉此地食品以麥麪爲上等是以近年麥麪價最昂向則每百觔需銀洋四五元近則每百觔至十餘元農人食者

鮮矣

糜子 爲此地正產自立夏至芒種播種至白露亦能成熟土人呼爲晚禾六十日歸倉生碾米爲糜子米炒熟碾米爲炒米爲此地出境之大宗蒙古人必需之品至白麪菽麪亦蒙古之必需品皆爲此地出境之大宗本地用以釀酒他無用途有紅色黃色兩種產量每畝可得五六斗

黍子 爲此地正產物形似糜子惟性粘與糜子異有易成熟者有不易成熟者易成熟者產薄不易成熟者產厚



有黑黃紅白四種用以做糕人多樂食釀黃酒之必需品產量每畝可穫五六斗

黍穀 爲此地附產物穀黑米白味美可食農人用以合稻米煮飯色俱白播種收割與黍子同產量每畝可得四五斗

蕨子 古爲芋類今人呼爲蕨子早春播種晚秋成熟棵愈稀滋杖愈多生花者不結實結實者不生花稠者不取其實長成穀其葉而取其皮爲麻備農家麻繩之用取其實者用以軋油供燃燈膏車等用渣亦喂畜每畝可穫四五斗

胡荽 不能作食飼畜祇可軋油作食品菜蔬春種秋熟渣可作肥料摺作燃料爲此地附產物每畝可穫三四斗  
棒子 卽玉蜀黍穀雨後播種至六月成熟者俗呼六月鮮每畝收穫二三斗需籽升除一種莖高葉大者產量較多而成熟晚每畝需籽一升收穫三四斗俗呼八葉齊亦有白者黏者種類不一而收穫同

## 豆類

黃豆 此地不甚宜初夏播種白露後收割其用甚廣作豆腐醬油食品中不可少之物每畝需種二升能產三斗  
餘



合豆 亦名黑豆有大粒小粒兩種用途不及黃豆種植相等收穫亦相等

豌豆 此地產者粒小而色黑赤蜂園場產者粒大而色白供食品之用釀酒配麵及飼畜之用較多近年種植者少農人煮飯用接青黃與棒子成熟同時每畝需籽三升收穫五六斗

芸豆 有紅黃白褐花紋數色結角可食土人呼爲豆角他縣五月可食此地非六月不能結角秋後剖角得豆可煮飯食亦呼爲飯豆近年酷旱往往不生暮春播種每畝若不食角可穫二三斗需籽二升餘

小豆 有紅白兩種只可食豆不可食角豆內有沙可煮澄爲餡亦可煮飯暮春播種初秋成熟產量頗豐因此處天時亢旱生植不易故種植者少云

豇豆 近年微有種者頗能成熟產量每畝可穫三斗亦畏旱故不能多種

蠶豆 此地亦可種植但用途微亦畏旱故種者甚少

綠豆 有小大粒兩種此地亦頗習種植因其用廣價亦昂產量亦不薄故家家思種植最畏旱又怕蜜蟲土人亦罕知植法未能廣佈全境故此地粉房漏雜糧粉條粗味劣尤不如山芋粉矣暮春播種白露前收割每畝需籽二升可穫四五斗將來定當擴充種植焉



瓜類

西瓜 暮春布種七月中始有熟者如詩云七月食瓜較此七月相差幾兩個月以周正建子故也 民國之用陽曆相差亦一個月有奇多津液味極甘脆有紅穰黃穰兩種又有白穰者名曰三白瓜自內地掄種而得紅穰黃穰者皮極青翠三白瓜皮交白色間有黃秧黃葉瓜皮亦黃色惟穰紅色爲此地之恒產物諺云西瓜原出西北證此可信然以此地所產之種歷三年之植此地則不旺矣輪種之說瓜類最顯

甜瓜 先西瓜而熟形則小西瓜數倍俗呼爲香瓜性屬陰多食傷脾作瀉葉有尖尚深綠色種者不令其滋蔓長則不結瓜布種與西瓜同每畝約二千棵可收瓜四五千枚

黃瓜 卽月令之王瓜也早晚皆可種植所以有春黃瓜秋黃瓜等名稱蔓生物非插枝爲架不可形有細長者與黃瓜有粗而長者又有地黃瓜無須架形短粗非澆水不能生生甚速爲此相當產物除作蔬無他用途

燒瓜 與地黃瓜相等種者甚稀無關食品故略載

倭瓜 立夏前布種與西瓜等葉圓有葉似西瓜葉者名曰角瓜俗稱西湖蘆成熟較早味淡多津液煮略久則作爲湯不及倭瓜之肉厚穰脆故農人有以倭瓜救饑者



地瓜 名爲實角而非瓜也蒂豐秒銳形如錐老則自展中子毛似棉絮見風則飛嫩時可食破則滋白黏漿味微  
甘生山坡野草間非人植物故此地瓜皮河者以此得名

菓類

山丁 山谷自生結小菓叢生嫩青而熟紅味酸不甚堪食

杏山 叢生山陽結實纒纒三月開花粉紅可觀五月凋謝生小杏味酸似梅不可多食初秋杏老內有核名曰杏  
仁味苦有毒脫其褐色膜皮露白仁可鹹漬爲鹽菜可磨漿作粥饑歲有食者可炸油色青黃可食可膏車可作  
燃燈料蒙古供佛燃燈以此爲佳有云膏火車最宜者

郁李 山菓也棵雖木本不能成樹高者不過尺餘春開小白花落結綠粒至仲秋熟色赤味酸甘有核內含仁  
可入藥名郁李仁塞山多有之地無園植菓品生於山者惟山丁山杏與此三種耳可知此地與熱省附近之縣  
所產之物迥乎不同也農民之擔負與他縣比較自有過之無不及吁嗟乎此地爲熱省北垣墻殊令人啓後顧之  
憂也

蔬類



白菜 古稱菘今則無此稱矣園田中何時皆種所以此地圃勝農白菜有數種葉密色黃者爲黃英白菜葉綠而稀者爲大青棵莖高而細者名疼疍白亦曰回回白有棵大色濃綠者爲黑白菜有一莖而附麗數株者爲羅漢白菜惟園圃有之農田只有黃英與青棵兩種他則無焉

蘿蔔 五月種八月底長成有青紅兩色可生食可熟食菜品之嘉者也無分園田農田皆可布種惟新墾荒地產者較佳味甘質脆不及芥與蠻荊經久不變可淹漬爲鹹菜佐食禦冬食貨志謂蘿蔔合牛肉食之滋補力最大子曰萊菔子可入藥調氣

胡蘿蔔 亦名紅蘿蔔長形錐入地裏下銳上豐不似大蘿蔔形橢圓或長圓也味甘合羊肉熟食用滋補力淹鹹菜食亦可敵芥蔓

蔓荊 古稱諸葛菜處處宜種之地地產者微小有青紫兩色與芥菜同時種葉亦相同每畝可穫六七百鎊

芥菜 種時在蘿蔔先根有疙瘩不宜生食味辛辣可淹漬爲粗土人呼鹹菜農人食品必需之物

葱 爲隔年植物先年秋種於畦次年夏移植成壟性耐寒畏旱故經冬不枯食品中必需之物也此地有山葱與相別葉空圓而細小莖細而短近根處圓粗似蒜縣境有葱坑溝有葱根溝皆以有山葱得名

韭 葉扁根短叢生喜濕惡燥園畦者肥脆生野地者非雨水充足不發芽縣境有韭菜溝以山野多韭得名



蒜 莖菜屬林西之罕植物惟園圃有種植者產量不甚豐

磨菇 亦作麼菰菌也產塞北者爲之口蘑內地最爲貴重物味有奇香稱山珍信然縣境少產縣北烏珠穆沁諸山坡產此最夥縣南境塞罕壩亦間產之生磨地必有圈極圓大者週百餘丈寬廣線不差尺寸似憑藉天地靈氣所生承德志云多車歇卓帳之處藉糞壤肉汁之沃而生似磨誣解又稱營盤磨菇以屯營之地潑拋肥料所生亦屬誤解此處爲特產之地目視手拾最爲詳審故敢云然形似車釘頂圓足細大者圓徑二三寸足高二寸餘六七月初秋生非伏天雨足秋雨應時不生惜蒙境人跡罕到雖生無人收穫終爲棄物

又有一種頂大足粗形如葦笠肉厚四寸除足粗加拱把高尺許名天禾板磨菇自始生至老枯不生蟲不似口蘑老則生蟲其蟲曰蠹有云磨菇蠹更貴重者未得要旨不敢附會味濃有菽香不如口蘑味柔良其價值較口蘑差十倍有云此磨有毒者未經化驗難定是否味不及口蘑誠爲不謬

又有草磨菇土人稱爲鷄腿蘑鮮時味亦甚美惟頂薄而腿細長形似鷄腿故名至小草磨菇雷磨菇白鵝磨菇榆磨菇種類不一土人於夏雨後多摭拾而食之味均鮮美故備錄之

翠藍 一名芥藍俗呼撇拉痞葉似白菜而色青厚較蘿蔔葉圓根大於芥有莖高等於芥花子大於蔓菁皮內有勁柔穠脆味甘可生啜可醃可脯可用白糖拌食山廚之妙品也



崑崙縣城內園圃有之

## 木 菓 類

榛 承德志云大寧土產榛(見元一統志)又塞山多有之實極香美近年苦旱樹多枯斃惟高陡之大山略有  
橡 結於巒巒樹上縣境各山惟此樹略有秋末成實落於山坡次年即生凡有巒巒樹處此物即有蒙古云昔時  
山有野家食此橡爲生活可知昔時之多云

楊 山澗生者爲山楊村鎮道旁栽者乃家楊秧由黑石灘運來近年栽種頗多山澗者較寡焉

柳 有河柳生於沿河有山柳生於山溝一種葉似柳而條幹細短名駱駝柳近年城鎮栽者乃家柳由遠縣移植  
於此楊條可觀

松 大山石巒上間有之矮而小土人稱爲陡山猴松

柏 與松同處生大小亦如之惟葉細碎氣味香惜罕觀耳案林西縣木植甚稀不得云無故於僅有而極小者亦  
採錄編輯以備此一格閱者諒之

榆 貫生沙漠之地故處處有之境內稱榆樹林者稱孤榆樹者稱兩棵樹者皆以有榆樹得名縣治東北龍頭山



前有古樞數千株幹被沙壅成材者少然遙望如青蔥排滿長川清公主陵墓在兩山中與榆樹林相映故令人看  
守甚嚴至今仍全他處者皆小係土人新培養而生

樺根擦 山澗深處間有之皆微小僅可蓋房作芭條樺惟明樺一種樺樹較圓口口樺樹叶小木質極老先因途  
擦卽樺樹土人呼爲樺樺紅木質頗堅用做鐮刀把等小器其叶因此地氣候寒不能開花

## 獸類

馬 產北邊烏珠穆沁者良此地產者性質形狀皆劣由他處遷來者一再著息卽變爲劣質云係水上使然

牛 身有花斑者多近年苦旱原野草萎生殖亦不蕃盛且有舌癰腸黃等疾

羊 此地畜者頗多故羊皮羊毛羊絨爲出境之大宗交通進款惟此稱最近年日本人在縣東設牧羊場專以外  
國羊配化爲正業間亦蓄其種與本地羊相配偶未見暢旺

駱駝 惟蒙人畜多漢戶亦間有畜者爲載物用不以產育爲事聞此獸孕十二月始生以故不甚蕃盛

野豬 產山之有林木處毛淡黃色皮堅厚肉味不如家豬油亦黃色

青氈 契丹地多青羊（今境卽古契丹地）南人罕有見者惟北產出高山絕壁上故其性善走巖間與家羊



之走坦途無異由于切峭巖墮落無損傷爲山羊之特別種俗云青羊血治跌傷

跳兔 前足寸餘後足尺餘尾似鼠末毛長扁似魚尾嘴耳頭目與兔等身小如四五個月之貓毛短無針褐色穴地居

狐 縣境山皆有狐紅黃色者爲火狐爲上等素毛長針者爲草白狐次之斑色毛雜者爲沙狐最次秋末九十月間爲狐狸皮最好時期過與不及皆不值錢爲此地皮屬之上等

狼 此地多山此獸亦夥與牧養甚有妨碍初冬所獲之狼皮爲上作衣褥等雖不及皮美觀而禦寒則勝之然不及青羊皮之過寒生暖也

虎 昔時甚多今罕見矣大約避人他徒耳境內有名巴爾圖者因蒙古謂虎爲巴爾得名

鹿 大者爲馬鹿小者爲羊鹿 故清宮內產者皆羊鹿也羊鹿馬鹿均有走最速不易獲仲春脫角立夏生角生茸中含嫩骨附骨有血血外生皮皮外生茸堪入物性 熟瀉云羊鹿茸貴馬鹿茸賤其生角脫角之節時與鹿子相反近年以來此物甚稀

麋 比羊鹿尤小角亦生茸初夏解角而嚴冬生茸比羊鹿茸毛麋而幹細羊鹿茸高二尺餘麋茸則僅咫尺說者謂此茸爲陽中之陽以其生於嚴冬也鹿茸爲陰中之陽以其生於夏也惜李時珍本草未詳用法今則科學發明



若化驗研究當不致廢棄矣故詳載此條以待科學家之研究

蟲類

蟬 土人呼爲蚺蟬有呼爲蟬者蓋是物爲寒蟲此地旱寒蟬鳴較內地特早往往六月終卽有鳴聲較他處清狀秋夜蟬鳴遠山聲聞數里爾雅釋蟲類有七種皆蟬屬又攷楊雄方言諸蟬多至二十餘種究難指此蟬爲何種約言之是物隨地而異耳土人云此蟬也因其特小之故

蟋蟀 初秋卽生遇寒則鳴昔人名爲促織今土人皆呼爲屈曲鳴於草間幽揚清越甚堪動聽但商聲悲耳絡緯 身斑黍翅色正赤夏至後卽有振羽而飛者索索作聲以翅鳴土人呼爲撒大蟲有一種綠色者形大翅長飛而不鳴土人呼爲青楞蟲

蜻蜓 長身細腰有四翅六翅者八足二鬚俱細長近水處有天將雨陸地時見之

蝸蝓 昔人呼爲蝸蝓周禮月令蝸蝓註云似蛙非也廣雅云蝸蝓馬蚶絡緯蟋蟀屬承德志爲蝸蝓查其解卽此地人呼爲叫蝸蝓疑爲此物存俟考

蝶 一名野蛾又有名蛺蝶者名甚多今林西所產有白黃黑青斑等色白蝶居多黑色者大似蝴蝶有四五寸許



者

蜂

此地馬蜂最多牛馬甚畏之形甚大有小者名爲土蜂木蜂亦飛繞山花間無蜜蜂

魚類

鯉 查罕木倫河有之鱗鱗有金色者居少數肉厚味亦頗佳不及他魚多

鱒 林西境內三河皆有鱒子魚土人呼華子魚有特殊味經棚縣泡子產者不如此地河產者佳

黏魚 縣東查罕木倫河產甚夥重至十餘筋肉細味美無鱗土人云食其頭則犯痼疾承德志作鮎

鯽 縣境河間有之形小多骨泡子中產者大狀似鯉土人樂食蒙古甚惡取魚

草類

得勒蘇 土人呼爲掃帚草多用以做掃帚亦農具一物叢生高七八尺稍有穗如帚質堅硬如木中秋割莖次年春復滋莖或被畜食或未經割取亦另生莖生沙土中年久則根如邱壘故山坡不生平原處始有之

透骨草 爲此地特產獨梗無枝葉如棘而小土人取以煎水洗風火毒謂能透骨搜毒秋時上節生角如綠豆角



而短中有子

烏拉草 縣北諸山間有之不及東省產者良叢生土人呼爲羊鬍子草

野茴香 處處有之春夏秋時芳氣襲人土人呼爲黃瓜香

蝎子草 境內多有之叢生草間高四五尺莖葉偏生毛芒有毒人觸之膚紅腫惟駱駝能食他畜無敢近者蒙人名爲哈拉垓窪蓋以此名

烟草 承德志名淡巴菰土人稱火烟園圃中多種之葉肥廣徑尺餘蒙漢人多吸之因他草之烟不及此草烟之多且芳故名烟草近年來征稅之外復加勒索人不敢種

藍 一名靛葉圓厚而復密濃綠色掘地爲池漚之至三四日水色極翠有知漚法之人以石灰搗合之澄爲澱用以染布帛濃淡隨人意我國染舖用甚廣近日被外國顏色壓迫無復種者可惜哉

葦 水產物縣城東南沿河邊水泡有之長七八尺葉窄小無培植之故耳若加人工培養調理當可織蓆現時土人有葦屋者灌臘舖取其莖作臘莖若經人培植之用以織蓆此處之蓆當不至貴如羊毳矣

蘆 喜生沙積中凡沮洳處爲盛蒙人呼爲呼魯蘇今境內之地方名呼魯蘇台者數處以此得名

蒲 惟河套水泡中有之土人呼爲蒲葦以其穗似棒子而名葦之似葦而葉薄時穗有黃屑堪入藥名蒲黃



生破血熟滋血婦科多用之

蘆 卽藜蘆縣境甚多叢生根入地尺餘粗拱把頂上朶花紅白相間離離層層如纒麻織帶未結筍時一望盡是牲畜皆不敢食折之出白汁人食之立死土人呼爲斷腸草亦名貓兒眼蓋因花朶似貓眼耳

艾 叢生山原皆有高四尺許一種葉整而厚似艾一種葉碎皆有芳氣能禦人衣襟經久不消俗言可入藥

蒿 有種名萬年蒿者每叢七莖爲棵圍六莖環抱中一莖高大且直質堅硬如木枝節對生割之節內有花紋生山澗中人跡罕至處人皆愛之可爲此地特產園場產者不及蒿類甚夥惟此獨異

## 藥材類

鹿茸 北大壩之東麓產馬鹿形似驢較羊鹿甚大其頭部生兩角立夏後生茸謂茸角立冬後茸脫爲乾角冬至後脫落此地產者茸毛色青故爲特品

黃耆 產野地荒山間立夏生苗七月開黃紫花葉扶疎作羊齒形秋後挖掘其根入藥此處產者皮色黑較他處爲異爲此藥之特品銷南省爲數最廣惜被旱災產量不豐

大黃 產北大壩其夥立夏生苗葉長如海帶有莖爲三稜形味極酸性極寒秋後掘其根銷於各烟草公司不入



黃芩 產野地處處有之立夏後生苗隨時掘其根日乾去皮入藥本草綱目蘇頌曰苗高尺餘有獨莖者叢生者幹蘆如筋葉細長兩兩相對類紫草根如知母長四五寸

遠志 產野地處處有之立夏後生隨時掘取其根售於藥肆本草綱目李時珍曰此草服之能益智強志故有遠志之稱晉桓溫呼爲小草

防風 產野外荒山中立夏後生隨時掘取售之肆本草綱目蘇頌曰莖葉俱綠色開小白花攢聚如蓬房絢爛可觀實較胡荽子而大根黃色與蜀葵相類黃而潤者佳

知母 產平原處處有之遂時挖取本草綱目陶宏景曰似菖蒲而柔潤葉至難死掘出仍生至枯乃止蘇頌曰四月開青花如菲八月結實

狼毒 產平原此處當未開墾時甚多生同知母本草綱目馬志曰似商陸等大黃莖葉有毛根皮黃肉白以實而重者佳輕者爲劣入藥以分量定值

赤芍 產山間畏旱產量較少卽紅芍藥花根取其花單瓣者入藥

柴胡 產山間寒山處處有之一作茈胡本草綱目雷斅曰茈胡出平州卽今銀柴胡李時珍曰平州卽銀州今爲



延安府神木縣五原城是其廢址所產柴胡長尺餘而白且甚不易得此謂北柴胡月令云仲春云始生云蒿亦柴胡之類

地骨皮 立夏後生產山根處處有之卽枸杞根皮以冬月掘之入藥尤佳

地榆 產下濕處立夏後生本草綱目蘇頌曰三月生苗初生布地獨莖直上高三四尺分對出葉似榆葉狹長如鋸齒七月開花如桑椹而短赤紫色根似柳根外黑內紅俗呼紅籐羅

甜甘草 初春生立夏後挖丈餘深始淨其根銷南省及外洋煙草公司用最多

青羊血 產北大壩等處初開時青羊頗多獵者取其腔內心血裝於羊腸內售於藥肆內價值甚昂

牛黃 本草綱目李時珍曰口北牛黃出牛膽內極爲貴品此地產者多在膽中有言得寒月光中之精而生故其性極冷

杏仁 產出中卽杏仁也產量甚豐農戶收穫數十石者仲春開白花滿山如燦錦當含葩未放時色紅花落生葉葉稠者弗結實土人云葉稠者生雙仁有毒人食之必死故入藥必去皮尖雙仁者忌用此地有用以製油者有醃漬爲菜者

黃精 產深山中途時挖取入藥名玉竹功同人從春生葉形參差錯雜似竹葉開黃花根粗寸餘味甘本草綱目



李時珍曰人食之能輕身且延年益壽一名黃芝又名仙人餘糧蘇頌曰肥地生者大如拳薄地生者猶如拊指博物志黃帝問天老曰天地所生有食之令人不死者乎天老曰太陽之草名黃精食之可長生人不信黃精之益壽不亦感乎

蒼朮 爾雅朮山薊郭註今朮似薊而生山中本草綱目李時珍曰蒼山薊也處處有之高二三尺其葉抱莖而生根如老薑蒼黑色內白色有赤點其苗嫩時貧民嘗菜食

州麥 一名石竹產山谷中高尺許葉尖小根紫黑色形如細蔓菁花紅紫色春夏開花秋結實如麥粒故名葉耳 卽蒼耳俗呼蒼子棵郭註廣雅云藁耳卽爾雅之蒼耳也本草綱目李時珍曰詩人思夫賦卷耳之章又名常思菜又考詩註卷耳生路旁疑爲今之車前子非蒼耳子也葉圓形有齒類葡萄葉不見開花俗云蒼子開花不見面秋間結實長圓形多刺仁可榨油頗香入藥名蒼耳

兔絲子 爾雅唐蒙女蘿卽兔絲女蘿郭註別四名詩云爰采唐矣邢疏云詩經直言唐而傳云唐蒙下云蒙玉女郭云卽唐也又名玉女嬋弁云葛與女蘿毛傳云女蘿兔絲本草綱目李時珍曰毛詩女蘿卽兔絲吳普本草兔絲一名松蘿陸佃云在木生者爲女蘿扶草生者爲兔絲二物之殊同皆由爾雅釋詩誤爲一物之故也多生原古道間初生有根及長延草物其根自無有花無葉花白色微紅香襲人考寧獻王庚辛玉冊云火焰草卽兔絲子蓋屬



陽性之草也

紫花地丁 生原野間本草綱目李時珍曰處處有之葉似柳夏開紫花細角產平地者起莖產溝壑邊者生蔓  
五味子 產山坡間有林木處亦有產田畔者本草綱目蘇頌曰春初生夏間引赤蔓長六七尺扶高木而生者蔓  
尤長葉尖圓似杏葉三四月開花黃白色狀類蓮七月結實叢生莖端如豌豆大生青熟赤紫色以遼東者爲佳因  
其子抄肉厚之故爾雅味莖蕘郭註五味子也本境人多取以爲製肉蔬之料味頗佳不入藥

車前子 爾雅芣芣馬芣車前郭註今車前草也本草綱目蘇頌曰葉布地如匙累年者長尺餘中抽數莖作長穗  
如鼠尾形花甚細密青色微赤結子似葶赤黑色七八月採子入藥

藜蘆 一名山葱又名漏蘆本草綱目蘇頌曰三月生葉似初出櫻心又似車前莖似葱白長五六寸花淡紅色根  
長四五寸黃白色二三月掘根陰乾入藥生高山者佳

蒺藜 爾雅茨蒺藜郭註布地蔓生葉細碎如織由蔓生子有三角刺有四角刺入人膚有毒詩小雅楚楚者茨卽  
此也本草綱目李時珍曰一種刺蒺藜狀如赤根菜及細菱角三角四角不等角端爲刺內有仁一種白蒺藜結莢  
長寸許內子大如脂麻狀如羊腎蔓子皆綠色

益母草 本境田畔場圃邊處處有梗四稜形節節圍生籬團狀如蜂房由房內生花落花後房內生子名茺蔚子



小與車前子等由簇團內生葉三叉形八月初一採全秧熬膏婦人生後服之最有益故名爾雅雀摧邢疏雀一名摧郭云今芫蔚也故子入藥名芫蔚子眼科用本草綱目李時珍曰芫蔚近水濕處最繁春初生苗如嫩蒿入夏長三四尺莖方如黃麻葉如艾一梗三葉開小花紅紫色亦有微白色者其草生時有臭氣夏至後即枯根白色與此處生者異有云此處生者爲馬鞭草頗近理故併載之以俟考

茵陳蒿 初春生處處有之俗呼白蒿貧民多採食本草綱目陳藏器曰此蒿經冬不死更因舊苗而生故名李時珍曰茵陳昔人多蒔爲蔬故入藥用山茵陳所以別於家也

青蒿 本草綱目李時珍曰二月生莖粗如指而肥軟莖葉色并深青葉微似茵陳而面背俱青根白而硬開細花頗香結子如麻子

地膚子 產田畔園圃中處處有之土人呼爲掃帚菜有青紅兩種紅者入藥本草綱目李時珍曰嫩苗可作蔬茹一科數十枚攢簇團團直上性極柔弱故老時堪爲帚

蒲公英 本草綱目寇宗奭曰四時常有花花罷飛絮絮中有子落處即生所以院庭中亦有之

荆芥 一名假蘇土人名蜈蚣草本草綱目李時珍曰荆芥原是野生今爲世用遂多栽蒔二月布子生苗炒食辛香方莖細葉似獨帚葉而狹小淡黃綠色八月開小花作穗長形如鼠尾明一統志曰遼東都司出別名靜風尾



麻黃 本境沙崗處多有一名龍沙張輯廣雅云龍沙麻黃也本草綱目蘇頌曰春生苗至夏則高尺許稍上開黃花花落結紅豆纒纒大小不等味微甘辛土人呼爲麻黃果

馬勃 本草綱目陶宏景曰俗呼馬竄勃者是也紫色虛軟狀如狗肝彈之有粉出寇宗奭曰生濕地及腐木上夏秋採之有大如斗者小亦如杓本處呼爲馬糞包

肉蓯蓉 一名寸雲一名馬勃係馬精落濕草地而生此處產者爲真以此處爲蒙古游牧之草地也產於叢草間形如肉紫黑色大者一塊重十餘觔炮製入藥大補原陽

鬼剪羽 產山澗中夏正六月處伏生苗長極速前日生次日萎三日枯狀如蘑菇根頂間生葩多粒如嫩花蕊根入土寸餘卽細如縷線再尺餘生一疙疸長圓如鷄卵入藥名鬼剪羽本草綱目李時珍曰能辟鬼魅土人取之爲小兒補肚有奇效

細辛 產石壩中葉圓如銅圓上面純紫六月得雨生本草綱目言細辛爲遼地特產

本境所產之藥類尙多如威靈梔梔秦芫皆立夏後取根扁蓋老鶴草公英青蒿坤草夏至後取苗因此五早皆不能暢茂故得詳查亦難備載



林西縣全境農產收穫表

民國十九年度

種	類	畝	數	產	量	價	額	備	考
穀	子		三六〇〇〇畝	每畝	五斗	每斗	四角		
高	糧		六五〇〇畝	每畝	五斗	每斗	五角		
小	麥		五五〇〇畝	每畝	八斗	每斗	二元		
莠	麥		七〇〇〇畝	每畝	一石	每斗	一元		
黑	豆		一五〇〇〇畝	每畝	五斗	每斗	一元		
糜	子		三〇〇〇〇畝	每畝	七斗	每斗	五角		
蕪	子		二〇〇〇〇畝	每畝	六斗	每斗	四角		
蕎	麥		二〇〇〇〇畝	每畝	六斗	每斗	八角		
綠	豆		八〇〇〇〇畝	每畝	五斗	每斗	二元		



葫 蘆	蠶 豆	豇 豆	苦 蕎	紅 白 小 豆	芸 豆	大 麥	黃 豆	豌豆	棒 子	黍 子
二〇〇畝	二〇〇畝	五〇〇畝	一〇〇〇畝	一〇〇〇畝	一〇〇〇畝	八〇〇畝	五〇〇〇畝	五〇〇〇畝	八〇〇〇畝	一五〇〇〇畝
每畝五斗	每畝三斗	每畝三斗	每畝五斗	每畝五斗	每畝三斗	每畝八斗	每畝四斗	每畝五斗	每畝三斗	每畝六斗
每斗八角	每斗二元	每斗五角	每斗五角	每斗一元	每斗一元五角	每斗二角	每斗八角	每斗五角	每斗六角	每斗四角



芥 花 籽	五〇〇畝	每畝	五斗	每斗	八角
火 煙	二〇〇畝	每畝	二五〇斤	每斤	二角
地 菸	一〇〇畝	每畝	三〇〇斤	每斤	一角
線 麻	一〇〇畝	每畝	五〇〇斤	每斤	二角
菁 麻	五〇〇畝	每畝	五〇〇斤	每斤	一角
山 芋	一〇〇〇畝	每畝	一〇〇〇斤	每畝	二分

## 林業

本境多童山阜陵向少樹木根株惟西區木石匣地方係黃崗梁山脈頗有毛柴根株近年駐林軍隊因冬季嚴寒按地畝撥派挖疽每地一頃應出挖疽三四方不等（每方需單套牛車三車左右重一千七八百斤）是以縣境附近之挖疽挖掘淨盡民戶俱向該處採買每挖疽一方需山工腳價國幣大洋六七元之譜合加以毛柴爲地畝擔負之最大宗也近年提倡林業封山之禁令屢頒農民亦不敢照令奉行每歲植樹節農商工等多有栽樹者因



天旱地焦鮮有森林之發現惟縣城內寥寥有之區鄉村則百不有一焉林西開闢二十餘年農產林業俱無足觀  
饑饉數年又加錢法毛荒商農工賈日見淪亡可令人浩嘆哉

## 肥 料

本境爲沙漠地極其饒薄糞料之施實不容緩自民國十年以來往往一歲不落滴雨若施以肥料更乾燥加甚矣  
是農家之糞堆歷年不動說者謂森林足以致雨而林業既無雨量更勿容言矣

## 牧 畜

本境自明代廢爲毘脫遜清又爲蒙人封域是向爲游牧之地久矣自開闢時蒙古之牛羊駱駝盈野盈川漢戶慕  
而效之馬牛羊之屬日見增盛中戶以下之農多豢豚其滋息之繁不如牛羊且非喂養不可至民國八九年農民  
之畜產類亦漸見日增月盛矣因是日本人在本境設試辦牧場尙未見成效其中有外國羊若干頭極寶貴者惟  
羊毛長尺有咫且白而潤每劬價值國幣三元有奇若有死亡棄其肉而留其皮毛願與本地羊掄種以外國之牡  
羊配本地之牝羊其羊毛則分外佳潤現時本境民人漸有與之合羣者將來此地牧羊一事可有發達之基矣至



牛馬之屬有民國十年以後連歲酷旱上崗之地草根將絕農戶之牛馬餓瘦而斃者難以數計加以軍隊抓車只求速快不容喂息所以本境之牛馬兩畜將見淨絕農家之正業蕭條而副業又復如此關心世事者所以抱隱憂也此外之家畜獸類有貓犬禽類有鷄鴨貓犬有捕鼠守夜之益鷄鴨有司晨產卵之利近年亢旱此四畜之受疫而斃者十居八九此地農民之凋瘵難堪者實源於此

## 工 業

工爲四民之一地方不可缺之一行也工業之興衰視地方隆替本境之面積僅六千餘頃比他縣小三四倍之數又疊遭天災兵燹匪患農民之擔負重至極點工業之受影響不卜可知本境五區俱無工業惟治城內有寥寥十餘處又無出品祇供本境之需用僅按現時之狀況實在之情形略舉數事所望仁人君子有民社之責者維持而救護之庶此邊塞窮黎不至逃亡國家疆土不至廢棄焉則幸甚矣

燒酒 本境營燒酒業者七家城內四家南區一家北區兩家均係小燒每日燒糧兩石上下者用麴六七十塊得酒一百七十八石燒糧用糜穀蕎麥等粟麴係自造麴糧用豌豆大麥糜子蕎麥等類其製麴法將糧磨爲屑籠以木框與脫坯等砌於暖室中用適宜之溫度令其醞發晾乾卽成麴矣製酒之法亦將糧磨成屑和以相當之水量



用甑蒸透裝於地池中池以木板爲範容量有定數視捐稅之多寡爲標準糧屑裝池中令堅實封以泥不令定風七池爲一排七日醞釀始熟七日輪流一週若不敷賣時一日裝兩池謂之加班祇消本境不能運出境外邇來迭遭凶獄又加課稅繁重營業不旺因煙酒公賣局不容歇業故僅支持之耳

黃酒 本境以黃酒爲營業者四家皆在城內納捐稅與燒酒同消簡單其製法用黃米煮粥施以麴末攪均藏甕中醞釀數日取出用布袋漉去渣滓渣滓可飼豚

粉 本境產綠豆無多營業者只五家製粉之法以雜糧磨屑搗綠豆二成和爲稀汁粗布漉出渣滓注甕內澄澱晒乾再調以相當之水使稠粘傾於有孔瓠瓢中陋滾水內煮熟撈出納冷水內縷縷搭葉片上晒乾乃成乾粉不甚適於食品惟農民買食故外來之綠豆粉充斥市面此本地工業所以不發達也

藍錠 本地營業者三家在本城內民國初年用本地所產之錠民戶極力講求種植法錠苗之名稱甚夥皆於葉中含藍色生時色碧多者瀝於池少者醞於甕數日醞釀水色極翠和以石灰汁用笕桶之其色變藍澄於池取其沉澱每百筋值國幣拾餘圓近日染房盡用洋錠本地無種錠藍者也利益外溢爲我地方罈陋之一大宗也惜無人設挽救之術無形之中受此莫大之虧損豈不令人浩嘆哉

木炭 本境燒炭之業凡有疙疸之處乃有因無森林廢木故燒炭盡用疙疸其製法掘地爲窰大小不等留一門



頂上有煙肉質疔痕於內用火燒之至成熟火候然後用土封固約二三日取出謂爲黑炭若燒白炭則不封密燒透卽出諸密外用風吹滅火氣炭有白灰謂之白炭本境鐵匠爐用之黑炭供燃料富者燃於室內取其無煙而暖也近年疔痕掘燒殆盡以燒炭爲業者當在禁止之例望有維持地方之責者

白皮 本境以熟白皮爲業者各區村頗有之無定數因此地天氣酷寒人人需皮服皮故其製法將羊皮狐皮及一切所做衣服之皮浸於硝灰水中好泡好取出用刀刮淨裏層油肉再用黃米面糊之硝汁浸之使柔靱而毛不落色益光潤復用饑逐處饑數遍卽柔輒如棉矣本城內常年營是業者十一家不但熟帶毛之皮又熟牛馬騾驢等去毛之皮謂之白皮舖

黑皮 本縣營黑皮業者五家製法與白皮不同但做牛馬騾驢等皮有用硝與不用硝兩法先將生皮刮淨毛用硝者浸於硝汁中使之柔靱然後上油上色或施以繪畫不用硝者去毛後卽加於薰皮寮內薰黑或黃以備做靴鞋之材料近年是業頗有起色

## 毡 毯 類

羊毛毡 有兩種棉羊者白而堅固可舖箱羊者黑而麤用以舖車此地羊雖多而毛皆運出外境售於他處故此



地之毡產量甚稀

毯 亦名氈以毛爲之有牛毛者有羊毛者惟駱駝毛者佳牛毛者次之毯有二種一曰小毛毯用小毛捻線經緯織成幅長四五尺寬咫尺縵三四幅爲一毯無他用途惟農人披以禦雨鋪以禦潮之用一毯栽絨毯栽毛毯栽西藏織造法今頗進化組織法精細毛色配合又極雅素需工久而售價昂是以官商用爲贈品每方之大者可鋪半塌每端需洋二十餘圓現時地方人提倡擴充將來可爲此地工業特品之一

石灰 本境營業燒石灰者兩處南區之東邊蒙部都一處北區之珠爾沁一處兩處可出石灰八九十萬觔南密石灰除本境需用外可輸出於全寧縣及蒙古等處北區石灰惟供本境之修房築牆輸出於蒙古者無多其製法掘地爲窖取性質柔輭之青畫石架壘其中用枝柴燃猛烈之火燒三日許至純青火候取出晾涼藏室內或倉內亦有在窖內出售者以其性畏風雨見之卽粉化矣用時注水於地池或甕中投灰於水內水沸則灰成粉澱矣用木棍攪之使渣滓沉底取其稠黏之汁應用近年銷途漸少其業不甚發達

鹽 本境無產鹽之區需鹽皆來自蒙境鹽池在縣治西北距離六百里本城設鹽務支局及收稅局五區皆設緝私鹽卡營是業者名鹽坊須向鹽務支局領牌照有甲乙丙之別食鹽須向鹽坊承買國幣壹圓買鹽十八觔若買蒙人之鹽壹圓可買五十餘觔惟被緝私拿獲有傾家之罰是以鹽勇緝私翻篋箱倒篋勢焰滔天民戶招待極爲



難堪稍有不周卽有翻篋栽贓索賄情事因鹽逼命之案屢見疊出食鹽爲本境莫大禍患營鹽業者非聯絡鹽局不可此林西近年之實在情形也

磚 民國初年本境營是業者較多近年營造甚夥是業僅四五處且非近產柴之山則無燃料其製法築土爲窰高四尺除窰土爲坯錯置窰中燒五六日成熟取出每窰約燒萬餘磚

瓦 與磚之營業相等亦同一窰製法以泥作圓圈置輪上輪轉令堅劃分四瓣卽成瓦形置窰中行列有孔燃火燒之至四五日燒透俟涼出每窰可得三四萬不等祇供本境需用

首飾樓 民國以來營是業者較前清爲夥本境惟城內有之只五處製造惟銀治金者甚夥其製法先用爐火略具模型繼施雕鏤磨琢鑲嵌用燈火噓之使柔軟其名稱有包金鍍金蘸黃燒藍等類

銅匠舖 本境營業治銅者七家居本城內不見發達其製法分生熟二種生銅鎔化傾母內成器後再加磨琢熟銅置砧上錘之成器後須加雕鏤磨刊無精細製法至電光蘸黃鐫字等事等地無是工藝也

錫匠舖 近年以來本境用錫器者畧夥營是業者改爲洋鐵舖矣製法較錫鉛易甚無鎔化壓片之勞但所製之器不能經久只應一時之需且不雅觀故富室多用銅器

皮硝 本境窪地多含硝質故近年貧民有營硝業之講求其製法有兩種一曰種硝掘地爲池深四尺寬長如之



每日掃拾地面白屑傾於池內灌水其中至數日白屑鎔化滿池氤錐謂之馬牙皮硝藥坊名謂芒硝一曰熬硝掃取窪地白屑和於水中攪鎔取粗布漉之取其汁用甑熬之視稠黏取出晾乾卽成片成塊因此地醋旱燃料爲艱營是業者亦寥寥無幾矣

鐵匠爐 本境營是業者數十家多忽作忽輟故難定其確數其製法甚陋劣惟供本境刀鏟鋤鎬及馬掌之屬間有修理車者亦祇能換釘結瓦故外來之鐵器什物十居其五焉

鑄子爐 本城營業鑄錘者兩家其製法取生鐵擊碎置爐中鎔化將鐵汁傾於母內卽成亦有灌油錘者不及犁鏵銷路之廣然祇供本境需用不能輸於遠方

木匠舖 本城營是業者十數家鄉間各有木工皆因此地不產木材營業亦作輟無常近年講求造林植樹惜此地酷旱研究數年終未見森林發現可浩嘆也夫營木工業者僅仰外來木料以供本境之需要故不見暢達

蠟舖 本城有營蠟業者數家因此地多牛羊油之故其製法以葦管爲葦蘸牛羊油於外連蘸數層卽成復用刀修理施以色書以字以美觀瞻他處有搥蕪油者謂之對假本境蕪油較牛羊油價高故此處無假蠟歷年輸出境外者頗夥說者謂蠟燭爲本境土產之一宗云

炸炮舖 本境只一家製品不敷本境需用輸入之炸炮充斥市面此地沿用舊俗因有此弊陋其製法攤泥於中



紙曝日中乾剪成長條因所用大小以定寬窄復用鐵棍捲筒搓令堅固抽棍之後泥塞其下端實以藥屑再用繩繫其頸甚堅用鐵錐刺孔至藥際置藥燃於中復繫頸繩不令藥燃脫落製炮則揆短燃於中作炸則置長燃計數之多寡編緋爲炸本境銷路頗廣將來營是業者可增多數也

### 林西皮毛產額出口價值表

種	類	產	額	價	值	總	計	備	查
狗	皮	四	千	張	每張十元	四	萬	元	
狼	皮	一	百	五十張	每張二十元	三	仟	元	
狐	皮	二	百	張	每張十五元	三	仟	元	
棉	羊	八	千	張	每張一元	八	仟	元	
山	羊	一	萬	張	每張八角	八	仟	元	
羔	子	四	千	張	每張一元	四	仟	元	



獾	獺	驢	牛	駝	羊	羊	狍
子	子	馬					子
皮	皮	皮	皮	毛	鞞	毛	皮
二	一	七	二	二	一	一萬五千	四
百	千	百	千	千	萬	千	千
張	張	張	張	劬	劬	劬	張
每	每	每	每	每	每	每	每
張	張	張	張	百	百	百	張
三	五	二	五	三十	五十	二十	二
元	角	元	元	元	元	元	角
六	五	一	一	六	五	一	八
百	百	千	萬	百	千	千	百
元	元	四	元	元	元	元	元
		百					
		元					







# 卷五

## 藝文志

本邑設治民國爲始戰禍頻加文化未能輸入藝文一門將付闕如矣孰意燕然隆碣傳於金戈鐵馬之中異文古制得於黃草白沙之際庚午歲秋經人調查遼代之頽陵獲石碣十數頁鐫契丹大字及漢體等文字備載遼時諸帝后之事蹟除契丹字不能繕錄外謹將其漢體文與近時之碑傳廟祠合爲一冊藉備一方之掌故云

文武大孝宣皇帝哀冊

推忠翊聖保義守節同德功臣樞密使開府儀同三司老丞相守太傅兼政事令監修國史上柱國魯國公食邑一萬戶爵封一任戶臣張儉

維太平十二年歲次辛未六月丁丑朔三日巳卯

睿文英武宗道至德崇仁廣孝功成治定啓天昭聖神贊天輔皇帝崩於太晤河之行宮以其月八日甲申發赴慶州八月丙子朔二十七日壬寅殯于攢塗殿之西塔有司定議上尊諡曰文武大孝宣皇帝廟號聖宗卽以冬十一



月甲戌朔二十一日遷座于

永慶陵能禮也古樹號風寒山帶雪會同軌於萬方啓撰塗於七月縞素披排祖庭斯設凌晨將御於龍輜遠日欲辭於鳳闕哀子嗣皇帝宗真孺慕絕漿哀推泣而爰命召於輔臣俾祖述於鴻烈其辭曰室分覆載建立聖王德維善政升乃其昌遠則有虞大舜近則唐室文皇既比崇於功業故可得而揄揚

先皇帝位續六龍君臨四紀乃聖乃神盡善盡美自推載以居尊每勵精而求理昔也

朝元聽政長樂承顏行孝治於天下布惠化於人間舉直措枉求賢審官詔搜巖穴庭列鸞鸞視比民而如子敷五教以在寬以欲從人盛著不張於傘蓋去奢從儉臨朝不服於羅紈乙夜觀書披衣待旦博採撫於典謨恒憂勤於聽斷實穀務農從繩納諫惠養鰥寡恤刑名稟道毓德惡殺好生治前代無爲而治見時政不肅而成四民殷阜三教博興開拓疆場廓清寰瀛東振兵威辰下以之納款西被聲教瓜沙繚是貢珍下國之蓬渾述職遐邇之鳥舍來賓惟彼中土曩歲渝盟自下宋而親馳驅隊取并汾而來犯京城絕信棄義黷武窮兵蓋

先朝之積忿須再駕以徂征七德制勝千里橫行戈戟霜摧而蔽野鼓鼙雷動於連營逢大陣而皆尅攻邊壘以旋平洲療戶民盡離居而失業傷殘將卒竟閑壁以偷生遂仗黃鉞直抵洪河會若林之銳旅揮却日之戈瑠我欲濟以焚舟彼方危於壘卵乃命使輶輿伸誠納款懇求繼好乞効刑牲貢奉金帛助贍甲兵尊



聖善而庶稱兒侄敦友愛而願作弟兄保始終之悠久著信誓於丹青因迴天墮俯順物情念茲攝服爰議凱旋行  
興國之大義解諸夏之倒懸下詔而歡聲動地班師而和風盈川暫勞吊伐永息烽煙自兩朝修聘已三十餘年取  
威定霸燁後光前室若天賜勇智贊助聖聰無幽不濁有感必通化育民俗比屋可封祝史正詞備禮而交禋天地  
率先思孝謁陵而追冊祖宗欲固不基恭行戎典繼正統而立元良啓承華而開望苑慶帝祚之悠久延皇圖之宏  
遠方期偃修御極垂拱臨軒保遐齡於萬壽應寶運於千年昭臨如日覆蔭如天揚周王歸馬之風正安下土促軒  
后乘龍之馭遽嘆上僊嗚呼哀哉九霄降禍四海纏哀積陰晦而告變經旬浹而不開厭留塵世却返瑤臺嗟真魂  
而何往隨逝水以無迴嗚呼哀哉虞殯將期宋朝感義命六使以臨喪備百物而來祭諸候畢至萃方咸暨奠旨酒  
以如澠思

仁君而流涕嗚呼哀哉登嶂千重高凌碧空虔承遺旨卜葬玄宮負龍岡之巨麓蔽神岡以彌崇泊滄空之協兆皆  
匍匐而送終嗚呼哀哉殿幕開兮星已稀靈駕動兮天欲曙馬踏地以悲鳴人執紼而泣訴丹旄翻風金錢買路百  
寮哭兮不開萬乘泣兮何怙嗚呼哀哉人松分兮駐金輅藏玉匣兮掩泉門愁雲忽慘夕照俄昏泣如慕兮灑雙淚  
返如疑兮傷百神功高今古道煥典墳俾形容於

聖德遂聊宣乎斯文嗚呼哀哉



道宗仁聖大孝文皇帝哀冊

經邦守正翊贊功臣開府儀同三司行尚書令僕射兼門下侍郎同中書門令下平章事監修國史知樞密院  
事上柱國趙國公食邑六仟伍百戶食實封陸仟伍百戶臣耶律儼撰

維壽昌七年歲次辛巳正月壬戌朔十三日甲戌

大行天佐皇帝崩於韶陽川行在所徒殯於僖遊殿之西階粵乾統元季六月庚寅朔二十三日壬子將遷  
座于永福陵禮也穆駿不歸軒龍已陟萬國悲傷兮猶喪

考妣七月期近兮我營陵域彫轡麟囊儀翼翼三奠終撤百靈慘惻 孝孫嗣皇帝延禧仰成威明承繼社稷感  
象物以號泣恨 僖遊之冥默追錄其功兮異世使望欲報之

恩兮昊天罔極爰一輶輔臣具陳聖德其辭曰猗歟

聖元天帝之孫蕩海夷岳旋乾轉坤經營草昧掃滌妖昏宏圖善繼盛德益尊已卜萬祀方傳

八葉宇宙惟清日月相接綱要修整聲文晡暉一統正朔六合臣妾清寧將末姦孽潛生蜂蟻奮毒雷霆振驚坼騰  
瑞氣幕見神兵醜類既剿 皇階益享禮祠先廟神靈來格孝養

長樂敬恭無斃朝陵幸邑建號加冊天旋雲被風施雨澤高穹乃眷景命惟謀天日奇筮鑠 德音務農重穀抵璧



捐金洞判邪正詳觀古今輟寐夜分忘食口呷決柔象史發號占澳天人分際

帝王條貫觸類鑑照乘權電斷一十三次選十懸科官材械樸育善菁莪五辰協運九序興歌國翔丹鳳迭變洪河  
睿思敏麗宸襟洞達沛筑高唱薰琴開發刑憲三千惟務全活帥徒百萬不喜征伐敦睦親族駕馭英雄累開赦  
宥數賑貧窮人心自樂地利常豐聲猷普暨教令遐通鯨海之東鯤溟之北若林西荒桂林南側遠近庶數邦強弱  
諸國占風効款慕義述職頃以汙寇侵予夏臺包藏貧噬勝敗往來垂二十載傷生盡財詔命一至煙塵兩開  
盡爾韃靼自取凶滅援我邊陲萃其巢穴上將旣行奇兵用設即戮渠魁群黨歸悅奠枕於京垂衣而治七曜齊正  
百嘉蕃遂嶽貢川珍地符天瑞赫奕難名紛綸畢至時遊江洛或獵雲峰威稜震疊豫從容  
大聖射法人皇書宗妙該玄理博達空宗

上性自然而不學而能瞻形繪像調律修樂君臣宴會內外恩渥禮文若右古制度復材紆邪屏逐朝列肅清冤憤  
咸雪

昭懷正名臨朝四紀御世一平化流廣夏福庇群氓愛勤茲久勞倦興寤燕國英明央其傳付箕泰宇之不撓得遐  
年而克固元孫牢讓勉臨庶務難求堯聖之高蹈遽迫崦嵫之已暮俄撫凡以有命遂遺弓而忽去徒云呼歲之  
祥虛紀夢齡之數嗚呼哀哉封人祝兮雲且至杞國憂兮天乃崩歟風號而景沓紛雨哭而愁興彤庭寂寞兮



無象寶座深嚴兮空有憑筓挽鐸以伸戀灼靈龜而告徵嗚呼哀哉先遠屬期同軌皆會隨展輅以殞涕仰龍輅而  
心碎淒肅肅之仙儀慘悠悠之神痛蒼山空兮晚籟吟白日澹而寒煙晦嗚呼哀哉駐春蒐兮尙邇變夏節以將闌  
行且暮兮慶陵下望如朝兮 聖廟間去華闕兮茲邈卽泉宮兮不還紫箎收兮曲聲闋綠驥留兮轍迹闋露幽凝  
兮漠漠溜哀鴻兮潏潏植重林兮露法徹層殿兮苦班觸物類兮黯天想威容兮悲 聖顏嗚呼哀哉維蒸民之所  
歸須

大人之有作乘時而出也天曆爰在極數而終也神器是託大葬之制舊章用度鄙珠玉之華侈尙甄閱之儉約閱  
清暉兮幽默置洪業兮盤礴別垂理世之謨訓昭示同

君之矩矱被雅頌兮洋洋煥簡編兮灼灼庶延亘於無窮自遐揚於景燦嗚呼哀哉  
宣懿皇后哀冊

樞密副使宗祿大夫行尙書戶部侍郎修國史上護軍清軍清河郡開國公食邑二千戶食實封三百戶臣  
張林撰

維大康元季歲次乙卯十一月己未朔三日辛酉

先懿德皇后崩於長慶川旋附殯于 祖陵卽以乾統元年歲次辛巳六月庚寅朔二十三日壬子將遷



座于永福陵禮也國路風況郊門雲起日屬建未時將在癸協龜畢告吉之兆應也啓行之始 六衣卷兮收黼帳  
三獻終兮撤祭筵望望而哀杖森鬱搖搖而素旌披靡當時

僊馭去復去兮殊途今月 彫輜行復行兮同軌松楸泣露以何恨蕭笳鳴空而不已孝孫嗣皇帝延禧哀哀思報  
戀戀增傷仰順追懷之遺旨特從 合禴之弊章 玉諡流輝于殯殿 珠襦掩藻於玄堂白日度兮時易改清釵  
凝分夜不陽 音容永訣年祀何長欽惟冠古之聖書豐可隨時而消亡爰承嚴詔俾讀餘芳況盛世難窮乎銘紀  
故小善不足以揄揚其詞曰昔惟 聖人配茲 令德生在中壺來從外戚祥剖石字 位膺天極 玉璫疏寵象

服增飾贊助大化 啓迪內職 權而不黷婉麗貞仁 性不華而況潛剛克早熟 令訓夙挺英資彞斯集慶樞

木均 慈處金屋之富而守以約素同 天王之尊而務在謙抵以 恩結民心民心皆樂乎子育以身教天下天

下咸導乎 母儀貴不自驕 尊不自滿 陰教大布女圖茂纂 詠淑懿於河洲筆勳庸於彤管所 居者椒掖

所馭者丹駟所 戒者誠謁之志所 絕者私溺之權 合章于內香蘭芊芊 發秀於外飛靈闔闔照之臨之明

可助 日覆之載之 柔能配 乾周妣禘 仁殷萃比 聖簪裙帷帟必從于制度管絃絲竹貴合於雅正 文

章非學至之然 佛法本生知之性 靜修蕝藻動節珩璫儀形 祖禰軌範蟻蟻可更延於 壽厝何遽返於僊

鄉悲纏 聖母愛慟 元良龍遺駒兮婉轉鳳翔雛兮翔痛何言兮昭神道嗟難堪兮吳蒼嗚呼哀哉坤紀斷維月



輪覆轍陵域暝兮苦霧暗山楹寂兮流泉咽萬籟暗嗚呼百靈慘烈嗚呼哀哉銀海寒澗蛟幽影沈琨珮釘鑄兮無復  
聽雲車縹緲兮何處尋

聲雖不聞六宮側願聞之耳形雖不見九族傾將見之心時不來兮杳隔雲壤事已往兮空成今古嗚呼哀哉樹  
蕭蕭兮秋替草淒淒兮春渚皆從來巡幸之地盡伊昔宴遊之所

靈跡何在慈顏如覩嗚呼哀哉念龍渥失於姦臣青蠅之舊污知妄向壁之清輝可珍如金石之音默而復振  
如鏡鑑之彩昏而復新茂集徽冊緬播芳塵庶乎千載之下景

神華之闕宮兮驗聲實於哀文嗚呼哀哉

大行太皇太后哀冊

維清寧三年歲次丁酉十二月癸卯二十七日己巳大行太皇太后崩於中會川行宮之太安殿旋殯於慶州北  
別殿之西階粵明年夏五月四日癸酉將遷柩于永慶陵禮也夕撰方開夜漏甫盡龜地吉時龍輜移輶繇山之  
縞素凝霜離殿之帷帟飛燼奠樽既撤哀杖徐進想舊事兮若新計遠日兮如近孝孫嗣皇帝臣弘基義感

祖先情深宵胤憶慈風猶追思信命相輔以爲文期音徽之大振周室德業文母居先漢朝儀範馬后稱賢彼伊往  
矣其誰繼焉大行太皇太后博厚成儀中弘私毓德婉淑慈仁聰明正直嬪嬙卑下示之以謙抑子孫衆多最之以



溫克對棹之纖靡輒不更衣處宮室之深嚴嘗無踰闕若天之溥若地之貞若江海之量若日月之明於孝宜有婦  
順之容所以承愛敬於 孝章有王業之訓所以享雅稱乃卽前宮之大號乃膺太上之徽名禮度在躬不取瑣瑣  
之節純廉爲事不徒晉普珥之榮行不旁履視不斜睨好尚古風勤求實際普全六行之餘洞達三乘之義動必協  
於人心靜必從於佛意勃興皇運肆及孫謀邦國益蓋承於垂慶宗親皆荷於貽休有兄之女兮遠尊居於永樂有  
女之子兮復貴處於長秋若昆若季乃王乃侯一門之盛千古無儔屬壽齡之向暮眇光景以難留方大恢於聖化  
遽上促於僊游嗚呼哀哉水逝悲川花愁泣露顧纏綿以凝戀對練衣而增慕去復去兮天上侶遠復遠兮人間路  
追來命兮如在輟慈顏兮何處嗚呼哀哉長天慘兮蕭兮動悲風起筵林麓閑當夏天之炎燠變秋日之凋殘將臨  
乎德闕將屆乎陰山望

貞節有雄然金石惟淑譽兮若椒蘭雖女史兮有形管紀清芬員兮靡弗懼嗚呼哀哉



各哀册覆頁石刻篆文

民國十九年秋八月照錄

个 茲 卣 天  
天 元 炎 百  
公 元 札 五  
木 未 赤 安



## 米將軍傳

米公諱振標字錦堂原籍陝西綏德州人清季官毅軍後路統領民國元年隨軍統姜上將軍桂題來熱防堵外蒙調爲駐林前敵司令熱河主客軍咸聽節制民國二年秋九月初旬蒙匪捲地普北面而來諸將士戰禦旬日蒙匪未得入境詎期西帥失策委棄軍械蒙匪得資信據經棚聯絡克什克騰旗蒙匪內外響應林西孤懸三面受敵風聲鶴唳民商震驚奉政府電林西爲國北門全局攸關令公固守不得疏忽雖有姜上將之督師奉軍來援俱遠水不救近火而且子彈缺乏晝夜鏖戰公激勵將士親臨戰線前仆後繼出奇兵簡輕騎逆出賊背殲滅多匪解林西圍林西之民得安耕鑿商賈之途懋遷皆米公之賜也林西商民因其治軍有律視民如傷並舉其爲國家福將此地之福星爲之立碑於南門外於民國九年去林至今林西民猶思慕不忘焉

## 常將軍傳

縣之北九十里英上有將軍名德盛字子新原籍遼寧屬之錦西縣人也世務農於前清光緒二十八年投效武衛左軍積功授營務處銜民國元年外蒙獨立政府命毅軍防堵駐紮林西二年秋蒙匪擾林幾入北門將軍由湯牌



近援使林西危而復安繼又剿珠爾沁廟之匪克復什八台五十家子等要塞民國三年招撫鮑四閩王民四擒斬希力僧周豁牙子金巴齊大巴拉等數匪首民五擊退蒙匪數年之間履立戰功林西商民均受庇護全境秩序未亂米公主帥將軍戰功爲最著蒙政府賞賚頻頒管給給至二等文虎章佩五獅軍刀其功德之在林西懋矣且寬和愛民民亦愛將軍因修第於此家於此全境爲之立碑送匾誌其功德焉

### 常將軍碑文

積武功而晉爵將軍全盛德而退歸林下此人情之榮古今之仰望也厥維

常公子新者遼寧錦西人也於前清光緒二十八年投効武衛左軍剿擒熱屬花子溝之鄧來峯援擊黑龍江之套克套轉戰秦陝破滅白狼稽功荐升副將民元外蒙肇豐中央令毅軍防堵公蒙軍統姜委充前敵總理營務處駐防林西稽功授陸軍少將迭克要寨復蒙委爲右翼馬隊統領克復經棚給予三等文虎章民二蒙匪擾林公由湯牌越山赴援林西危而復安商農職業未失公之力也是役晉給三等文虎剿珠爾沁什八台五十家子諸要塞授陸軍中將勳五位民三招撫鮑四閩王等晉給二等文虎章民四剿撫希力僧金巴等巨匪兩巴林阿魯科爾沁救平奉令特賞五獅軍刀民五蒙匪攻林公抱奮勇追至壩外罕布廟因時令特寒而奉令撤回民六一月奉令給



予二等嘉禾章是年援開魯等處皆賴寧謐七年開赴河南滅豫東積年巨匪又蒙委爲行營翼長蒙督軍趙委爲河南游擊司令八年轉戰山東巡緝數縣斃慣匪時克文等數十名蒙大總統黎特賞六獅軍刀民九清查夏邑村庄擒斬李德功等十數巨匪蒙保獎二等大綬寶光嘉禾章又在碭山虞城剿擒王北斗張大辨子等巨匪數十名從匪數百名民十到魯蘇交界獲巨匪花明心斃三十餘名經河南安徽兩督軍呈報中央令爲豫皖剿匪總司令十一年蒙大總統黎任命爲歸德鎮守使繼編爲陸軍第一師師長肅清河南商民均感十二年直魯豫巡閱使吳電請曹大總統任命上將銜勳四位典威將軍遣使特賜七獅軍刀是年因援閩粵贛諸省有功復蒙任命爲援粵總司令擬請辭職以狀仔肩旋蒙

孫大元帥中山特命爲北伐五路總司令十三年夏自思同室操戈寔槍肺腑藉疾請假以遂謙懷始於林西父老優游歲月矣實惠及民報德無由因爲之詞曰干戈起兮遍地荒英雄出兮靖四方蒙匪亂兮林西危將軍奮兮匪遠黜林西安兮民安樂將軍去兮赴南方巨匪平兮功名立勳位晉兮佩寶章姬望隆兮如書錦業勳成兮返故鄉兮耕田畝朝夕勤兮種樹桑鄰里見兮談禾黍勸鄰里兮睦黨鄉懦夫見兮思立志貪夫見兮廢隅方扶世道兮長民俗正名兮振綱常願將軍兮壽百歲立豐碑兮萬古芳

## 米將軍碑文



蓋聞太上立德其次立功功德之感於人者深必勒碑刻銘以表揚之良蟠垂不朽也林西地居北塞草沐初闢滿日荏苒時虞出沒民國二年邊匪渠魁蘇僞將軍奈登公等號召悍逆七八千餘嘯聚北邊侵佔我土地蹂躪我人民遷移流亡不堪寓目長城北壁幾至崩頽維時我

米鎮軍總命令行軍督師進發是年六月出壩外開始戰鬥於烏波羅河擒渠掃穴先樹驍馬旋乘勝分路進兵將他他廟喇嘛罕廟彌倫廟什巴爾台五十家子劉家營子湯上大營子陀螺廟大王廟各寨寨先後攻克並克復經棚縣解林西圍出入榆林身經百戰屏藩千里轉危爲安此功之昭著者也秩序既安而道遠邊氓接踵歸來載歌樂土既來之我

米鎮軍則移兵駐守以安之農則勤其稼穡商則經其貿易學校由此振興來攘往萃遊光天化日他如請賑撫以惠災黎設粥廠以憑凍餒培城垣以固根本聯軍民爲一體視漠漠如同仁德之感於人者深而一般黃童老叟沐恩澤而望英風者早相傳爲口碑矣惟該匪弗體米鎮軍勦撫兼施之苦衷

**四年冬**蒙匪四五百人磨集外蒙意在

南犯多倫以圖大舉我米鎮軍奉令出發一勝於罕伯廟再克於白音皋其豐功懋德所以銘鼎彝而被絃歌者雖邦家之光實吾民之福也夫林西甫經開闢屢見兵戎而我米鎮軍臨大敵平大難出奇制勝措邊藩於泰山之安登斯民於衽席之上我米鎮軍殄匪安民行之若素而商民等得以休養生息於其間者何莫非我米鎮



軍盪匪之所賜歟人非木石敢忘安良除莠之恩德洽蒼蒼聿著樹銘勳之典恭頌

勳二位一等文虎章六獅軍刀熱河副都統  
上將銜陸軍中將前敵總司令林西鎮守使 米振標公之德政

### 姚參謀長碑文

蓋聞古之所謂豪傑之士必有過人之才也者足以匡濟時艱也民國二年有邊匪蘇僞將軍余登公等率黨七八千餘內犯蒙疆北壁長城大有岌岌不可終日之勢維時

米鎮軍督師進剿電請以我熱河總理營務處 姚公留守林西適匪氛猖獗我米鎮軍擒渠掃穴聿建赫赫之功而我

姚公帷幄運籌卒決勝於千里之外嗣該逆分遣黨羽圍攻林西勢甚危急我 姚公預設卡壘籌備防禦並飛達各軍分路截擊乃該匪狡焉思逞勢成負隅是我軍勇於戰鬥惟子彈告罄每有來請者我 姚公則不動聲色從容以應之曰子彈尚多其實不敢以實告耳我兵士知子彈不缺均各勇躍爭先期滅朝食當斯時也無日不戰無時不戰相持至十四日之久我 姚公蚤夜嚴戰備不稍解維持計畫然費苦心治子彈運林卒解林西圍其化險爲夷使萬家之雞犬不驚千里之屏藩如故非我姚公匡濟之才曷克臻此是年冬復分兵將陀羅廟大王廟攻克



並克復經棚縣至五十家子什巴爾台等處亦次第盪平揚盡塞上烽煙救民水火棠郊黍野咸慶謐安我  
 姚公慮及蒙邊之不易控制也復電請撥款建築城營其所保衛商民兼以繫其心者其關係豈鮮淺哉四年冬巴  
 曾復聚黨四五千入嘴集北邊以圖大舉我 米鎮軍奉令北發仍電請以我 姚公留守林西凡後方應行籌備  
 事宜竭盡圖維不遺餘力出師未及兩月洵至底定功成雖日邦家之光實吾民之福也夫林西草萊初闢滿目僅  
 荷而我 姚公襄贊戎機獨能掃盪邊氣登斯民於衽席他如銷患於無形保治於未然使吾民得以休養生息於  
 其間者在在不堪枚舉商民等受恩深重爰撮勒碑以誌感慕云爾 恭頌

三等文虎章中將銜陸軍上將前敵 姚敬之之德政  
 總理營務處林西縣鎮守使署參謀長

丙辰年桂月丙辰日 敬立

### 壇 廟

孔廟 本境於遜清光緒三十三年設治各列祀典之廟均設有地址繼因地方不靖災患頻仍院宇堂廡皆無力  
 建築至民國十年縣立高等第一小學校及初等學兩處既立學校不能不祀孔雖於勸學所室內闢正中一間奉



至聖先師位於中懸大成殿匾額一方春秋祀典權就於此

武廟 民國三年政府頒定關岳合祀典禮稱號武廟彼時米公統領毅軍鎮守林西逢祀典之期權在鎮署設位致祭至四年秋在縣城南門外建設演武廳闢正室三楹奉關岳木主於內春秋祀典鎮守使率全軍將官及縣知事警察官吏等致祭如儀至十五年經劉鎮守使山勝駐防本境勒派區民出款二千餘元仍在舊址重修武廟嗣因款不敷用又於本城商戶募款千餘元始建築如式隨用駱姓軍人爲道士爲該廟住持道看守廣宇主持香火祭祀又將操場之週圍地作爲香火地

查林西縣武廟雖已落成而文廟仍復因陋就簡迄未修築殊與提倡文化甚抱缺點爾時邑紳等有建議修築者皆因天災年歉民力未蘇未能舉辦然希聖希賢進文明之化未可謂此地無人也謹將文武廟祀列典之聖賢位次詳列於後以備異日之參考焉

### 文廟位次

#### 大成殿正位

至聖先師孔子 諱丘字仲尼魯人周敬王二十四年魯哀公誅曰尼父漢平帝元始元年追諡褒成宣尼公魏太和十六年改諡文聖尼父北周大象二年追封鄴國公隋文帝時贈先師尼父配享周公唐貞觀二年停祭周公



升孔子爲先聖十一年尊爲宣父永徽中改稱先師顯慶三年仍稱先聖乾封元年追贈太師周武氏天授元年追封隆道公開元二十七年追謚文宣王宋大中祥符元年追謚玄聖文宣王五年贈國諱改謚至聖文宣王元武宗加號大成至聖文宣王明嘉靖九年去王號及大成文宣之稱定號至聖先師孔子

東配二位

復聖顏子 諱回字淵魯人漢高帝十二年配享唐貞觀三年詔稱先師總章元年太子少師太極元年贈太子太保開元二十七年贈魯國公宋大中祥符元年封魯國公元至順元年加封魯國復聖公明嘉靖九年改稱復聖顏子

述聖子思子 諱伋字子思孔子孫宋崇寧元年封沂水侯大觀二年從祀端平二年升列於十哲咸淳三年配享封沂國公元至順元年加封沂國述聖公明嘉靖九年改稱聖子思子

西配二位

宗聖曾子 諱參字子輿魯南武城人唐總章元年從祀贈太子少保太極元年贈太子太保開元二十七年贈郕伯宋大中祥符二年封暇邱侯政和元年封武城侯咸淳三年配享封郕國公元順元年加封郕國宗聖公明嘉靖九年改稱宗聖曾子



亞聖孟子 諱軻字子輿一字子車鄒人宋元豐六年封享國公立廟鄒縣七年配亭元至順元年封鄒國亞聖公

明嘉靖年改稱亞聖孟子

東序 六位

先賢閔子 諱損字子騫魯人唐開元八年從祀二十七年贈費侯宋大中祥符二年贈瑯琊公咸淳三年封費公

明嘉靖九年改稱先賢以下十二哲及東西兩廡均因明嘉靖九年改稱先賢先儒廡後升祀復祀增祀者並如

嘉靖間改稱之例

先賢冉子 諱雍字仲弓魯人唐開元八年從祀二十七年贈薛侯宋大中祥符二年贈下邳公咸淳三年封薛侯

先賢端木子 諱賜字子貢衛人唐開元八年從祀二十七年贈黎侯宋大中祥符二年贈黎陽公咸淳三年封黎

公

先賢仲子 諱由字子路一字季路魯卞人唐開元八年從祀二十七年贈衛侯宋大中祥符二年封河內公咸淳

三年封衛公

先賢卜子 諱商字子夏衛人檀弓疏魏人鄭康成曰溫國卜商唐貞觀二十一年從祀二十七年贈魏侯咸淳臨

安志作衛侯宋大中祥符二年封河東公咸淳三年封衛公



先賢有子 諱若字子若史記作子有魯人唐開元二十七年從祀贈下伯宋大中祥符二年封平陰侯清乾隆三年升列十二哲

西序六位

先賢冉子 諱耕字伯牛魯人唐開元八年從祀二十七年贈鄆侯宋大中祥符二年封東平公咸淳三年封鄆公  
 先賢宰子 諱子字子我魯人唐開元八年從祀二十七年贈齊侯宋大中祥符二年封臨淄侯咸淳三年封齊公  
 先賢冉子 諱求字子有魯人唐開元八年從祀二十七年贈徐侯宋大中祥符二年封彭城公咸淳三年封徐公  
 先賢言子 諱偃字子游吳人唐開元八年從祀二十七年贈吳侯宋大中祥符二年封丹陽公咸淳三年封吳公  
 先賢顓孫子 諱師字子張陳人唐開元二十七年從祀贈陳伯宋大中祥符二年封苑邱侯政和元年改封潁川侯咸淳三年封陳侯升列十哲

先賢朱子 諱熹字元晦一字仲晦宋徽宗婺源人謚曰文贈大中大夫寶謨閣直學士寶慶三年贈太師封信國公紹定三年改封徽國公淳佑元年從祀元至正二十二年改封齊國公明嘉靖九年改稱先儒崇禎十五年改稱先賢位漢唐諸儒上清康熙五十七年升列十二哲

東廡先賢四十位



先賢公孫僑 字子產鄆大夫唐開元二十七年從祀明嘉靖九年改祀於鄉清光緒三十四年復祀稱先賢

先賢林放 字子邱魯人孔門人唐開元二十七年從祀贈清河伯宋大中祥符二年封長山侯明嘉靖九年改祀

於鄉雍正二年復祀稱先賢

先賢原憲 字子思宋人鄭康成作魯人唐開元二十七年從祀贈原伯宋大中祥符二年封任城侯

先賢南宮适 家語作綰史記作括字敬叔魯人唐開元二十七年從祀鄭伯宋大中祥符二年封襲邱侯政和元

年改封汝陽侯

先賢商瞿 字木魯人唐開元二十七年從祀宋大中祥符二年封須昌侯

先賢漆雕開 字子若魯人一作蔡人唐開元二十七年從祀贈滕伯宋大中祥符二年封平輿侯

先賢司馬耕 字子牛宋人唐開元二十七年從祀贈向伯宋大中祥符二年封楚邱侯政和元年封睢陽侯

先賢梁鱣 或作鯉字叔魚齊人唐開元二十七年從祀贈梁伯宋大中祥符二年封平乘侯

先賢冉儒 字子魯魯人唐開元二十七年從祀贈郟伯宋大中祥符二年封臨沂侯

先賢伯虔 字子哲魯人唐開元二十七年從祀贈鄒伯宋大中祥符二年封沐陽侯

先賢冉季 字子產魯人唐開元二十七年從祀贈東平伯宋大中祥符二年封諸城侯



先賢漆雕徒父 字子有魯人唐開元二十七年從祀贈須句伯宋大中祥符二年封高宛侯

先賢漆雕哆 一作侈字子歛魯人唐開元二十七年從祀贈武城伯宋大中祥符二年封濮陽侯

先賢公赤 字子華魯人唐開元二十七年從祀贈邵伯宋大中祥符二年封鉅野侯

先賢任不齊 字子選楚人唐開元二十七年從祀贈任城伯宋大中祥符封當陽侯

先賢公良儒 字子正陳人唐開元二十七年從祀贈東牟伯宋大中祥符二年封牟平侯

先賢公肩定 字子仲魯人唐開元二十七年從祀贈新田伯宋大觀四年封梁父侯

先賢鄒單 或作鄒字子家魯人唐開元二十七年從祀贈銅鞮伯宋大觀四年封聊城侯

先賢罕父黑 字子黑魯人唐開元二十七年從祀贈乘邱伯宋大觀四年封鄆鄉侯

先賢榮旗 家語作祁字子旗魯人唐開元二十七年從祀贈零婁伯宋大中祥符二年封厥次侯

先賢左人郢 家語作左郢字子行魯人唐開元二十七年從祀贈臨淄伯宋大中祥符二年封南華侯

先賢鄭國 字子徒魯人唐開元二十七年從祀宋大中祥符二年封胞山侯

先賢原亢 字子籍魯人唐開元二十七年從祀贈萊蕪伯宋大觀四年封樂平侯

先賢廉潔 字子庸衛人唐開元二十七年從祀封高父伯宋大中祥符二年封胙城侯



先賢叔仲會 字子期魯人唐開元二十七年從祀贈暇邱伯宋大中祥符二年封博平侯

先賢公西與如 字子上史記家語作公西與魯人唐開元二十七年從祀贈重邱伯宋大中祥符二年封臨胸侯

先賢邾巽 字子歛魯人唐開元二十七年從祀贈平陸伯宋大中祥符二年封高堂侯

先賢陳元 字子元一字子禽魯人唐開元二十七年從祀贈穎伯宋大中祥符二年封南頓侯

先賢琴張 字子開衛人唐開元二十七年從祀贈南陵伯宋大中祥符二年封頓邱伯政和元年改封平陽

侯

先賢步叔乘 字子車齊人唐開元二十七年從祀贈淳于伯宋大中祥符二年封博昌侯

先賢秦非 字子之魯人唐開元二十七年從祀贈泃陽伯宋大中祥符二年封華亭侯

先賢顏喟 字子聲魯人唐開元二十七年從祀贈朱虛伯宋大中祥符二年封濟陰侯

先賢顏何 字冉魯人唐開元二十七年從祀贈開陽伯宋大中祥符二年封堂邑侯明宏治元年罷祀清雍正復

祀

先賢縣亶 字子象魯人清雍正二年增祀

先賢牧皮 黃帝臣力牧之後清雍正二年增祀



先賢樂正克 字子放魯人孟子弟子宋政和五年配享孟廟封利國侯清雍正二年從祀孔廣

先賢萬章 孟子弟子宋政和五年從祀孟廟封博興伯清雍正二年從祀孔廟

先賢周敦頤 字茂叔宋道州人歷官虞部郎中知南康軍世稱濂溪先生諡曰元淳祐元從祀封汝南伯元延祐

三年封道國公嘉靖九年改稱先儒崇禎十五年稱先賢

先賢程顥 字伯淳宋河南洛陽人登進士第累官至太子中允監察御史諡曰純淳祐元年從祀封河南伯元至

順元年封豫國公明嘉靖九年改稱先儒崇禎十五年稱先賢

先賢邵雍 字堯夫宋范陽人後徙河南自號安樂先生嘉祐熙寧間大臣累薦不起卒贈秘書省著作郎元祐元

年諡康節咸淳三年從祀封新安伯明嘉靖九年改稱先儒崇禎十五年稱先賢

西廡先賢三十九位

先賢蘧瑗 字伯玉衛大夫唐開元二十七年從祀贈衛伯宋大中祥符二年封內黃侯明嘉靖九年改祀於鄉清

雍正二年復祀稱先賢

先賢澹臺滅明 字子羽武城人唐開元二十七年從祀贈江伯宋大中祥符二年封金鄉伯

先賢宓不齐 字子賤魯人唐開元二十七年從祀贈單伯宋大中祥符二年封單父侯



先賢公治長 魯人唐開元二十七年從祀贈莒伯宋大中祥符二年封高密侯

先賢公翬衰 字季沈魯人唐開元二十七年從祀贈鄒伯宋大中祥符二年封北海侯

先賢高柴 字子羔衛人唐開元二十七年從祀贈共伯宋大中祥符二年封共城侯

先賢樊須 字子遲魯人唐開元二十七年從祀贈樊伯宋大中祥符二年封益都伯

先賢商澤 字子季魯人唐開元二十七年從祀贈樊陽伯宋大中祥符二年封鄒平侯

先賢巫馬施 字子期陳人唐開元二十七年從祀贈睢陽伯宋大中祥符二年封東阿侯

先賢顏辛 字子柳魯人唐開元二十七年從祀贈蕭伯宋大中祥符二年封陽穀侯

先賢曹邴 字子循蔡人唐開元二十七年從祀贈豐伯一作曹伯宋大中祥符二年封上蔡侯

先賢公孫龍 字子石衛人鄭康成作楚人唐開元二十七年從祀封黃伯宋大中祥符二年封枝江侯

先賢秦商 字不茲魯人唐開元二十七年從祀贈上洛伯宋大中祥符二年封馮翊侯

先賢顏高 字子精魯人唐開元二十七年從祀贈瑯琊伯宋大中祥符二年封雷澤侯

先賢壤駟赤 字子徒秦人唐開元二十七年從祀贈北徵伯宋大中祥符二年封上邽侯

先賢石作蜀 家語作石之蜀字子明秦之成紀人唐開元二十七年從祀贈郿邑伯宋大中祥符二年封成紀侯



先賢公夏首 學語作守字子乘魯人唐開元二十七年從祀贈元父伯宋大觀四年封鉅平侯

先賢后處 字子里齊人唐開元二十七年從祀贈營邱伯宋大觀四年封膠東侯

先賢奚容蒧字子哲魯人唐開元二十七年從祀贈下邳伯宋大中祥符二年封濟陽侯

先賢顏祖 字子襄魯人唐開元二十七年從祀贈臨沂伯宋大觀四年封富陽侯

先賢句井疆 字子界衛人唐開元二十七年從祀贈淇陽伯宋大中祥符二年封淇滏陽侯

先賢秦祖 字子南秦人唐開元二十七年從祀贈少梁伯宋大中祥符二年封郵城侯

先賢縣成 字子祺魯人唐開元二十七年從祀贈鉅野伯宋大中祥符二年封武城侯

先賢公祖句茲 字子之魯人唐開元二十七年從祀贈期思伯宋大中祥符二年封卽墨侯

先賢燕伋 字子思秦人唐開元二十七年從祀贈漁陽伯宋大中祥符二年封沂源侯

先賢樂頴 字子聲魯人唐開元二十七年從祀贈昌平伯宋大觀四年封建城侯

先賢狄黑 字哲之衛人唐開元二十七年從祀贈臨濟伯宋大中祥符二年封林慮侯

先賢孔忠 字子蔑孔子兄孟皮之子唐開元二十七年從祀贈文陽伯宋大中祥符二年封鄆城侯

先賢公西蒧 字子止一作子尙魯人唐開元二十七年從祀贈祝阿伯宋大中祥符二年封徐城侯



先賢顏之僕

字子叔魯人唐開元二十七年從祀贈東武伯宋大中祥符二年封宛句侯

先賢施之常

字子恒魯人唐開元二十七年從祀贈乘氏伯宋大中祥符二年封臨濮侯

先賢申根

字子周魯人開元二十七年從祀贈魯伯宋大中祥符二年封文登侯

先賢左丘明

中都人史記作左邱魯人楚左史倚相之後唐貞觀二十七年從祀宋大中祥符二年封瑕邱伯政

和元年改封中都伯明嘉靖九年改稱光儒崇禎十五年稱先賢

先賢秦冉

字開魯人唐元二十七年從祀贈彭衙伯宋大中祥符二年封新息侯明嘉靖九年罷祀清雍正二年

復祀

先賢公明儀

魯武城人曾子弟子清光緒三十四年增祀

先賢公都子

孟子弟子宋政和五年配享孟廟贈平陰伯清雍正二年從祀孔廟

先賢公孫丑

齊人孟子弟子宋政和五年配享孟廟贈壽光伯清雍正二年從祀孔廟

先賢張載

字子厚宋大梁人嘉定十三年謚曰明淳祐元年從祀封郟伯明嘉靖九年改稱先儒崇禎十五年稱

先賢

先賢程頤

字正叔宋河南人舉進士擢崇政殿說書嘉定十三年謚曰正淳祐元年從祀封伊陽伯元至順元年



封洛國公明嘉靖九年改稱先儒崇禎十五年稱先賢

東廡先儒四十位

先儒公羊高 齊人唐貞觀二十一年從祀宋大中祥符二年封臨淄伯

先儒伏勝 字子賤漢濟南人善治書爲秦博士經秦火後口授尚書二十八篇唐貞觀二十一年從祀宋大中祥

符二年封乘氏伯

先儒毛亨 漢魯國人鄭玄詩譜稱大毛公稱萋小毛公清光緒三十四年增祀

先儒孔安國 字子國孔子十一世孫唐貞觀二十一年從祀宋大中祥符二年封曲阜伯

先儒毛萋 字長公漢河間人唐貞觀二十一、二從祀宋大中祥符二年封樂壽伯

先儒杜子春 緱氏人王莽時隱居不仕卒唐貞觀二十一年從祀宋大中祥符二年封緱氏伯

先儒鄭玄 字康成漢北海高密人官大司農唐貞觀二十一年從祀宋大中祥符二年封高密伯明嘉靖九年改

祀於鄉清雍正二年復祀

先儒諸葛亮 字孔明瑯琊陽都人相昭烈帝後主封武侯侯諡忠武侯清雍正二年從祀

先儒王通 字仲淹隋河東龍門人諡文中子明嘉靖九年從祀



先儒韓愈 字退之唐鄧州南陽人舉進士第累遷吏部侍郎卒贈禮部尚書諡曰文宋元豐七年從祀封昌黎伯

先儒胡瑗 字翼之宋泰州海陵人累遷太子中允天章閣侍講諡安定後諡文昭明嘉靖九年從祀

先儒韓琦 字稚圭宋相州人舉進士第累管陝西經略安撫招討使後入相封魏國公卒諡忠獻清光緒三十四

年增祀

先儒楊時 字中立宋南劍將樂人唐進士第歷官工部侍郎龍圖閣直學士號龜山先生諡文靜明宏治九年從

祀贈將樂伯

先儒謝良佐 字顯道宋進士與游呂楊諸儒學程門號曰四先清道光二十九年從祀

先儒尹焞 彥明一字德充宋洛陽人累官權禮部侍郎兼侍講清雍正二年從祀

先儒胡安國 字康侯宋崇安人登進士第累官寶文閣直學士諡文定明正統元年從祀成化三年封建密伯

先儒李侗 字愿中宋南劍浦人世稱延平先生明萬曆四十七從祀

先儒呂祖謙 字伯恭宋婺州人舉進士累官著作郎國史院編修嘉泰八年賜諡成喜熙二年改諡忠亮景定二

年從祀封開封侯

先儒袁燾 字和叔宋鄞縣人官禮部侍郎學者潔齋先生卒諡正獻清光緒三十四年增祀



先儒黃幹 字子卿宋福建閩縣人歷和橫陽軍安慶府世稱勉齋先生卒諡文肅清雍正二年從祀

先儒輔廣 字廣漢宋崇德人清光緒三十四年增祀

先儒何基 字子恭宋婺州金華人屢被薦授職均不就卒諡文恭清雍正二年從祀

先儒文天封 字宋瑞又字履善宋吉水人年二十舉進士歷官至右丞相清道光二十三年從祀

先儒王柏 字會之宋浙江金華人諡文憲清雍正二年從祀

先儒劉因 字夢吉元保定容城人官至集賢學士學者稱靜修先生清光緒三十四年從祀

先儒陳澠 字可大宋都昌人宋亡隱居以終學者稱雲莊先生清雍正二年從祀

先儒方孝孺 字希直一字希古明寧海人建文時官侍講學士清光緒三十四年從祀

先儒薛瑄 字德溫明河津人登進士第累官禮部侍郎兼翰林院學士卒贈禮部尚書諡文清宏治九年祀於鄉

### 隆慶五年從祀

先儒胡居仁 字叔心明江西餘干人絕意仕進築室梅溪山著居業錄萬曆十一年從祀追諡文敬

先儒羅欽順 字允升號整菴明泰和人登進士第累遷南京太常少卿卒贈太子太保諡文莊清雍正二年從祀

先儒呂柟 字仲木明高陵人正德進士官至南京禮部右侍郎清光緒三十四年增祀



先儒劉宗周 字起東明浙江山陰人登進士累官右都御史世稱念臺先生又稱蕺山先生清乾隆四十一年追謚忠介道光二年從祀

先儒孫奇逢 字啓泰號鐘元容城人舉萬曆鄉試屢徵不起清以國子祭酒徵不就世稱夏峰先生道光八年從祀

先儒黃宗羲 字太中明浙江餘姚人號黎洲清時隱居教授數徵不至卒後門人私謚曰文孝民國三年從祀

先儒張履祥 字孝光明末人居桐鄉楊園村學者稱楊園先生民國三年從祀

先儒陸隴其 字稼書清浙江平湖人登進士歷官四川道監察御史清雍正二年從祀乾隆元年贈內閣學士謚清獻

先儒張伯行 字孝先清儀封人康熙進士累官禮部尚書民國三年從祀

先儒湯斌 字孔伯清河南睢州人登進士累官工部尚書乾隆元年賜諡文正道光五年從祀

先儒李璿 字剛主清蠡縣人舉於鄉爲通州學正民國三年從祀

先儒顏元 字習齋明博野人入清不仕民國三年從祀

西廡先儒三十七位



先儒穀梁赤 字元始漢晉人唐貞觀二十一年從祀宋大中祥符二年封襄邱伯政和元年改封睢陽伯咸淳三年封侯陽祥

先儒高堂生 魯人唐貞觀二十一年從祀宋大中祥符二年封棗蕪伯

先儒董仲舒 漢廣川人少治春秋孝景時爲博士武帝時歷江都膠西相終於家元至順元年從祀明洪武二十年封江都伯成化二年改封廣川伯

先儒劉德 漢河間獻王景帝第三子清光緒三十四年增祀

先儒后蒼 字近君漢東海人校書曲臺號所著禮記曰后氏曲臺記後大戴小戴之學皆原於蒼宣帝時爲博士官至少府明嘉靖九年從祀

先儒許慎 字叔仲漢汝南人官至太尉南閣祭酒清光緒三十四年增祀

先儒趙岐 字邪卿漢長陵人官至議郎清光緒三十四年增祀

先儒范甯 字武子晉陽人官豫章太守唐貞觀二十一年從祀宋大中祥符二年封新野伯明嘉靖九年改祀於鄉清雍正二年復祀

先儒陸贄 字敬輿唐吳郡嘉興人登進士第累官中書侍郎同平章事卒贈兵部尚書諡曰宣清道光六年從祀



先儒范仲淹

字希文宋蘇州吳縣人登進士第累遷龍圖閣學士參知政事謚文正封楚國公康熙五十四年從

祀

先儒歐陽修

字永叔宋廬陵人試南宮第一擢甲科累官太子少師卒贈太子太師謚文忠明嘉靖九年從祀

先儒司馬光

字君實宋陝州夏縣人中進士甲科累遷尙書左僕射兼門下侍郎卒贈太師溫國公謚文政咸淳

三年從祀

先儒游酢

字定夫宋建陽人官太常博士清光緒三十四年從祀

先儒呂大臨

字與叔宋京兆藍山人師事程頤與謝良佐游酢楊時時號四先生緒三十四年從祀

先儒羅從彥

字仲素宋南劍沙縣人晚就特科授博羅主簿稱豫章先生淳祐間賜謚文質明萬曆四十五年從

祀

先儒李綱

字祐紀宋邵武人歷官兵部侍郎後爲相卒贈太師謚忠定清光緒三十四年從祀

先儒張栻

字敬夫宋劍南綿竹人累遷石文殿修撰提舉武夷山沖佑觀學者稱南軒先生嘉泰八年贈謚宣景

二年祀追封華陽伯

先儒陸九淵

字子靜宋金谿人登進士第累官知荊州軍謚文安明嘉靖九年從祀



先儒陳淳 字安卿宋 鄒州龍溪人授泉州安溪主簿門人稱爲北溪先生清雍正二年從祀

先儒真德秀 字景元後改景希宋建寧成人登進士第累遷資政殿學士提舉萬壽觀宰贈銀青光祿大夫諡文

忠世稱西山先生明正統元年從祀成化三年封浦城伯

先儒蔡沈 字仲默宋建陽人隱居不仕世稱九峰先生明正統元年從祀諡文正成化三年封崇安伯

先儒魏了翁 字華父宋邛州人登進士第累遷福建安撫使卒贈太師諡文靖清雍正二年從祀

先儒趙復 字仁甫宋德安人隱居不仕世稱江漢先生清雍正二年從祀

先儒金履祥 字吉父宋婺州蘭谿人德祐初授迪功郎史館編校辭不就世稱仁山先生元至正中賜諡文安清

雍正二年從祀

先儒陸秀夫 字君實宋末鹽城人舉進士累官吏部侍郎衛王立爲左丞相清光緒三十四年增祀

先儒許衡 字仲平元河內人累官集賢大學士兼國子祭酒學者稱魯齋先生大德二年贈司徒諡文

先儒吳澄 字幼清元撫州崇仁人登進士第累翰林直學士卒贈江西行省左丞臨川郡公諡文正世稱草廬光

生明正統八年從祀嘉靖九年罷祀清乾隆二年復祀

先儒許謙 字益之元浙江金華人世稱白雲先生賜文懿清賜二年從祀



先儒曹端 字正夫明澠池人永樂間舉人學者稱月川先生卒後私謚靜修清光緒三十四年增祀

先儒陳獻章 字公甫明廣東新會人領鄉薦不第後被詔翰林院檢討世稱白沙先生萬曆初追謚文恭十二

### 年從祀

先儒蔡清 字介夫明福建晉江人成進士累遷江西提學副使萬曆中贈禮部侍郎追謚文莊清雍正二年從祀

先儒王守仁 字伯安明浙江餘姚人登進士第歷官兩廣總督學者稱陽明先生隆慶初贈新建伯謚文成萬曆

### 十二年從祀

先儒呂坤 字叔簡明河南寧陵人登進士第累遷刑部侍郎世稱新吾先生清道光六年從祀

先儒黃道周 字幼平明福建漳浦人成進士歷官禮部尚書後見唐王拜武英殿大學士世稱石齋先生乾隆四

### 十一年追謚志瑞道光五年從祀

先儒王夫之 字而農號翼齋明崇禎末舉鄉試入清不仕後歸橫陽石船山學者稱船山先生民國三年從祀

先儒陸世儀 號桴亭清初太倉人與陸隴其並稱二陸民國二年從祀

先儒顧炎武 字寧人號亭林明末崑山人入清不仕世稱亭林光生民國三年從祀

### 崇聖祠正位



肇聖王木金父公中

裕聖王祈父公左

裕聖王防叔公右

昌聖王伯夏公次左

啓聖王叔梁公次右

東配三位

先賢孔氏 字孟皮孔子之兄

先賢曾氏 諱點字皙曾孟之父

先賢孟孫氏 諱激孟子之父

西配二位

先賢顏氏 諱無繇字路顏子之父

先賢孔氏 諱鯉字伯魚孔子之子子思子父

東序三位



先儒周氏 諱輔成周敦頤之父

先儒程氏 諱珦程顥程頤之父

先儒蔡氏 諱元定蔡沈之父

西序 二位

先儒張氏 諱迪張載之父

先儒朱氏 諱松朱熹之父

武廟 位次

正位

關壯穆侯 居左諱羽字雲長三國河東解人仕蜀漢都督荊州事卒諡壯穆宗崇寧中封崇惠公旋加封武安王

明萬曆中封協天護國忠義大帝清乾隆中詔改本傳壯穆爲忠義民國三年與岳武王合靖於武廟

岳忠武王 居右諱飛字鵬舉宏相州湯陰人累官至太尉加少保孝宗時追封鄂王諡武穆後改諡忠武民國三

年與關壯穆侯合祀於武廟

東配忠武將十二位



張飛 字翼德三國涿郡人仕蜀漢官至車騎將軍諡桓侯民國三年從祀

王濬 晉宏農人拜益州刺史以平吳功官至撫軍大將軍民國三年從祀

韓擒虎 字子通隋東垣人拜廬州總管以平陳功進位上柱國民國三年從祀

李靖 字藥師唐三原人封魏國公諡景武民國三年從祀

蘇定方 名烈以字行唐武邑人拜左驍衛大將軍封邢國公民國三年從祀

郭子儀 唐華州人玄宗時爲朔方節度使累官至太尉中書令封汾陽王民國三年從祀

曹彬 宏靈壽人開國功臣第一封魯國公卒後追封濟陽郡王諡武惠民國三年從祀

韓世忠 字良臣延安人從高宗南渡累官京東淮南宣撫處置使孝宗時追封蘄王諡忠武民國三年從祀

旭烈兀 蒙古人元太祖幼子拖雷六子憲宗進征西域諸部建伊兒汗國民國三年從祀

徐達 字天德明濠州人累官中書右丞相封魏國公卒後追封中山王諡武寧民國三年從祀

馮勝 明定遠人官至征虜大將軍封宋國公加太子太保民國三年從祀

戚繼光 字元敬明定遠人累官至總兵大子少保卒諡武莊民國三年從祀

### 西配忠武將十二位



趙雲 字子龍三國真定人仕蜀漢官至翊軍將軍民國三年從祀

謝玄 字幼度東晉陽夏人官至前將軍封京東縣公民國三年從祀

賀若弼 字輔伯隋雒陽人拜吳州總管以平陳功加上柱國進爵宋公民國三年從祀

尉遲敬德 名恭以字行唐朔州人佐太有功累封鄂國公卒諡忠武民國三年從祀

李光弼 唐柳城人拜節度使封臨淮郡王民國三年從祀

王彥章 五代時憚州壽昌人仕梁官至招討使民國三年從祀

狄青 字漢臣宋汾州人官拜樞密副使民國三年從祀

劉錡 字信叔宋德順軍人高宗時官至太尉民國三年從祀

郭侃 字仲和元華州鄜縣人從旭烈兀征西域後知海州民國三年從祀

常遇春 字伯仁明懷遠人累官左副將軍封鄧國公卒贈中書右丞相諡忠武民國三年從祀

藍玉 明定遠人官至副將軍封涼國公民國三年從祀

周遇吉 明錦州衛人累官至山西總兵殉國後贈太保諡忠武民國三年從祀

### 林西縣忠烈祠傳



中華民國元年時維九月外蒙獨立擾亂邊疆首先有事於林西蓋以此地爲熱省極北邊邑故也適毅軍後路統領米君振標率諸烈士來守茲土僅數千耳蒙匪捲西北東三面包圍而至勢甚猖獗焚燒則煙霞障天遙掠則哭聲震地林西此際有壘卵之危惟恃我諸將烈士頭腦輕擲血戰數月竟忘鎗林彈雨挺身而鬥不計晝夜眼餐匪乃膽寒向北逃竄諸烈士追踪漠北肅清妖氛奠安國土陣亡將士數百名烈魄忠魂應享春秋祀典俎豆馨香允宜永遠昭陳爰於民國二年擇縣城之東隅建忠烈祠三楹東西配廡各三楹大門一座額曰忠烈祠正殿廊下有木鐫碑其文係林西鎮守使米振標公撰

廊左壁有木鐫碑文係綏靖北邊記略文係熱河前敵營務處陸軍少將姚致遠公撰俱錄其文

### 林西縣忠烈祠

蓋聞桓康畫像、悍夫見而動心、忠武立祠、壯士聞而興感、況馳驅沙漠、氣已懾胡、叱咤風雲、腦猶塗塗者乎、垂茲榮譽、精誠實貫乎日月、不有表彰、雄志將腐、同草木、爰效史魚直筆、記作傳書、媿無司馬宏文、不揚光烈、敬修短引、聊寄長情維

中華民國新紀元年歲次壬子外蒙肇變內寇邊隅警告朝傳戒嚴夕布振標奉命董率毅巡陸游諸將會師林西



馳剿漠北軍威所至匪勢披靡衛我謹嚴足固吾圉矣何期多防失策驟撤西藩天假強胡乘虛搗瑕當是也一旅孤懸萃會叢集以數千之衆禦五路之衝強弱顯分危機胸息然而我枕戈義士愛國男兒志矢敵前氣吞胡遠以死勤事拒戰兼旬卒能力解重圍追奔逐北不一月而沿邊要隘一律完全收復腥膻滌盡骨暴堪憐雖報國捐軀曾邀特典瞻家郵後足綏英靈第念績旣樹於遐荒名宜稱於沒世古人有建樓勒碑以紀功者敬盼此意共釀金資就邑之中段開拓數楹顏曰忠烈祠設壇坫而祀焉豈特慰先烈之心蓋以作軍人之氣也嗚呼秋霜春露亦罔問於幽冥尚武教忠禮原資夫觀感并書顛末昭示來茲

靖綏北邊記畧 熱河前敵營務處陸軍少將姚致遠撰

民國紀元之冬庫兵內犯邊鄙戒嚴陝右米公振標承命統率毅軍出關防剿維時外蒙旣叛內蒙蠢動熱區之北畿無完土米公乃先綏靖腹地卒醜次年夏又進師林西受任爲前敵總司令熱防主客各軍咸聽指揮用兵霜外疊出奇謀攻下烏泊羅河等處賊巢轉戰無前敵人膽寒詎期西師失策遺棄軍實以資敵人萃會乘虛佔領經棚處而克什克騰旗內外響應協力謀覆我軍所至遐邇震驚政府以林西動關全局電令固守不准南退一步特命姜上將軍臨邊督師並調奉軍來援無如遠隔關山急難獲濟爰勳將士誓守斯土相拒兼旬大小數十戰前者扑而後者繼雖膏血塗野亦莫之卹十月初旬子彈垂罄援至無期乃合力突攻西路奪城壘於湯上管帶劉殿起王



懷有死之潛簡輕騎命由間道繞赴賊後約期夾攻一舉殲滅林圍既解乘勝規復邊隘軍聲大振匪勢挫衄迨奉軍至即會同進取察哈爾屬所失之經棚大王廟駝螺廟等處尅期收復庫佛經此巨創始就協約而聽命焉共和之局以成經國務會議特畫經棚以界熱河用垂紀念並簡任米公鎮守此邦致遠則軍行間始終乃事今以漢蒙敵睦悉泯猜嫌公議建祠爲死事者諸君子明禪之禪將落成特叙其概略並爲之銘曰世風遞傾氏政肇基佛夷梗化首啓戎師孰爲戡定鐵血男子猗歟懿矣五色國旗

## 寺 廟

林西設治之初假本城東門外八里之色布敦廟舍居住彼時該廟有喇嘛三百餘名今則廟宇折毀喇嘛亦徒於巴林矣

崗崗廟 前清時修時修建在東區距縣治六十里民國元年蒙匪入境該廟被焚有喇嘛百餘名亦他徒矣

朱爾沁廟 距縣治百里今尙存有喇嘛百餘人

龍隄廟 在縣治東門外距二里民國十九年建尙未竣工

城隍廟 在城內東北民國六年建築



觀音廟 在城內西南隅民國十七八年建築係在理人募款老君祠



